



**GET UP  
SIGN UP**  
THE UNIVERSAL DECLARATION OF HUMAN RIGHTS

Kada društvo izađe iz godina teškog konflikta izravne potrebe ljudi su ogromne. Treba

izgraditi kuće i fabrike. Kreirati radna mjesta. Ponovo otvoriti škole i bolnice. Vlada oskudica novca i najčešće se nema vremena za druge probleme osim za obezbjeđivanje hrane za svaki dan ili novih cipela za djecu koja rastu.

U ovakvoj situaciji, govoriti o ljudskim pravima može zvučati luksuzno. Na kraju krajeva, teško je razmišljati o osnovnim slobodama kada niste sigurni da li ćete sutra imati dovoljno hljeba na stolu. Ali jednim dijelom ovaj proces obezbjeđivanja „više hljeba sutra i **manje** naprezanja prekosutra” zavisi od vrste društva koje se ponovo gradi. Odlučivanje o osnovnim principima i kvalitetima tog društva je isto toliko važno kao što je važan kvalitet cigli i čelika korištenih za obnovu domova i radnih mjesta.

U kojoj vrsti društva vi i vaša djeca želite živjeti za deset godina? Za dvadeset godina? Da li želite društvo u kojem su zaštićeni sloboda govora i sloboda mišljenja, savjesti i religije? Društvo u kojem možete čitati novine po vlastitom izboru? Da li želite društvo u kojem će svakome biti garantovano pravedno suđenje ili

## Najbolje vrijeme za akciju je ovo današnje: ljudska prava u poslijeratnom društvu

pravo učestvovanja u demokratskim izborima? Da li želite raditi u društvu gdje ne možete biti nepravedno otpušteni sa posla niti vaša djeca uskraćena za najbolje moguće obrazovanje?

Odgovor na svako od ovih pitanja je isuviše važan da bi bio prepušten samo nekolicini političara i diplomata. Odgovor na svako od ovih pitanja zavisi od **vas**. Ljudska prava su svačija briga. Vaš glas danas - koji jasno kaže kakvo društvo želite graditi za budućnost - može napraviti veliku razliku, kao onu između novog konflikta i dugotrajnog i uspješnog mira. U društvu u kojem su svačija osnovna ljudska prava garantovana i poštovana, ljudi mogu gledati u budućnost bez nepravde i straha.

Svaka osoba mora preuzeti na sebe dio odgovornosti u unapređenju zaštite i promovisanja ljudskih prava u društvu u kojem živi, kao i u zemljama širom svijeta. Svako može biti borac za ljudska prava - što god da vam je posao, gdje god da živite. I kada je u pitanju građenje kulture ljudskih prava, ne postoji vrijeme kao ovo današnje. Čak i u društvu koje se upravo oporavlja od rata, poznavanje vaših ljudskih prava i vaš doprinos njihovom poštovanju u vašem društvu, može biti od velike pomoći u sukobu sa izazovima pred kojima se vi i vaša zemlja nalazite danas.

*Amnesty International* je jedna od najvećih svjetskih organizacija za ljudska prava. Osnovana je 1961. godine i danas ima više od milion članova i pristalica u 162-ije zemlje svijeta. *Amnesty International* je nezavisna i nepristrasna organizacija. Ona ne prima nikakvu finansijsku pomoć od vlada, političkih partija ili religioznih institucija. Radi na promovisanju svih ljudskih prava zacrtanih u Univerzalnoj deklaraciji o pravima čovjeka i drugim međunarodnim standardima koje su vlade potpisale i obavezale se da će garantovati svojim građanima.

*Amnesty International* je prva i najistaknutija organizacija običnih ljudi koji žele zaustaviti i spriječiti ozbiljna kršenja ljudskih prava od strane vlada širom svijeta. Poduzimajući jednostavne akcije - pisanje pisama vladama, organizovanje mirovnih demonstracija, objavljivanjem informacija o pojedinim slučajevima u novinama, na radiju i televiziji - članovi *Amnesty International-a* su spasili hiljade života i osigurali oslobađanje hiljada ljudi iz zatvora.

Osnovni ciljevi kampanja koje organizuje *Amnesty International* su puštanje na slobodu svih pobunjenika savjesti; osiguranje pravednih sudskih postupaka za političke zatvorenike, ukidanje smrtne kazne i svih drugih oblika mučenja i zlostavljanja zatvorenika; kraj „nestajanja” ljudi i političkih ubistava; podrška izbjeglicama koje moraju napustiti svoju zemlju jer su izloženi riziku ovakvih kršenja ljudskih prava. *Amnesty International* takođe radi na

spriječavanju kršenja ovih istih ljudskih prava od strane opozicionih grupa.

Ako želite više informacija o *Amnesty International-u* obratite se na adresu:

Brian Phillips,  
Campaign Coordinator,  
Europe Regional Program,  
Amnesty International,  
International Secretariat,  
1 Easton Street,  
London WC1X 8DJ,  
United Kingdom  
Telefon: +44 171 413 5970  
Fax: +44 171 956 1157  
e-mail: [bphillip@amnesty.org](mailto:bphillip@amnesty.org)

#### *Amnesty International*

je kreirao *website* kao dio svoje kampanje kojom obilježava 50-ogodišnjicu potpisivanja Univerzalne deklaracije o pravima čoveka (UDHR). Ovu *website*, čiji je pokrovitelj *Excite* - globalna Internet media kompanija - možete posjetiti, i izraziti svoj lični komitment Univerzalnoj deklaraciji o pravima čoveka *online*, na:

<http://amnesty.excite.com>